



**ORDENANZA REGULADORA DA TAXA POR OUTORGAMENTO DE LICENZA DE  
ACTIVIDADE E APERTURA DE ESTABLECEMENTOS**

**I.- FUNDAMENTO E NATUREZA**

**Artigo 1º.-**

Este Concello consonte ó autorizado polo artigo 106 da Lei 7/85, de 2 de abril, Reguladora das Bases de Réxime Local, e de acordo co previsto no artigo 20.4.i) do RDL 2/2004, de 5 de novembro, polo que se aproba o Texto Refundido da Lei Reguladora das Facendas Locais, establece a taxa polo outorgamento de licenza de apertura de establecementos, que se regulará pola presente Ordenanza, redactada consonte o disposto no artigo 16 co citado RDL 2/2004, de 5 de marzo.

**II.-FEITO IMPOÑIBLE**

**Artigo 2º.-**

1.- Constitúe o feito imponible deste tributo a prestación dos servizos técnicos e administrativos previos ó outorgamento da necesaria licenza para a apertura de locais ou establecementos, calquera que sexa a actividade que nos mesmos se realice, sempre e cando lles sexa de aplicación o disposto na Lei 1/95, de 2 de xaneiro, de Protección Ambiental de Galicia e o Decreto 133/2008, de 12 de xuño. Igualmente constitúe feito imponible a prestación da actividade municipal, técnica e administrativa de control e comprobación a efectos de verificar se a actividade realizada ou que se pretende realizar se axusta ao cumprimento dos requisitos establecidos na lexislación sectorial reguladora da mesma, así como na urbanística, sobre ruídos, accesibilidade, medio ambiente e no Código Técnico da Edificación, de calquera actividade económica: agropecuaria, industrial, comercial, profesional, de servizos, etc., cuxa apertura se realice en réxime de declaración responsable ou comunicación previa, así como as súas modificacións, ao obxecto de procurar que os mesmos teñan as condicións de tranquilidade, seguridade, salubridade, medio ambientais, acústicas e calquera outras esixidas polas normas reguladoras do exercicio da actividade de que se trate. Todo iso de acordo coas facultades de intervención administrativa conferidas aos municipios polo artigo 84 e 84.ter da Lei 7/85, de 2 de abril, Reguladora das Bases de Réxime Local.

2.- Estarán suxeitas a esta taxa todas as actividades que se tramiten consonte á Lei 1/95, de 2 de xaneiro e Decreto 133/2008, de 12 de xuño, así como as actividades cuxa apertura se regula na Ordenanza Reguladora da apertura de actividades económicas non sometidas á avaliación da incidencia ambiental nas que se resulte obrigatoria a realización da actividade de inspección verificación nos termos establecidos no parágrafo anterior ao tratarse de actividades non suxeitas a autorización ou control previo e, entre outras, os seguintes:

- a) Ampliación da superficie de establecementos con licenza de apertura, sempre que non implique unha modificación substancial da actividade.
- b) Ampliación de actividade en establecementos con licenza de apertura sempre que non se trate dunha modificación substancial da mesma
- c) Ampliación da actividade con ampliación de superficie en establecementos con licenza de apertura, sempre que non se trate dunha modificación substancial.
- d) Reforma de establecementos con licenza de apertura, sen cambio de uso nin ampliación superficial nin da actividade
- e) A reapertura de establecemento ou local, por reiniciar a mesma o titular que obtivo licenza no seu día, se a licenza non tivera caducado
- f) A posta en coñecemento da administración de calquera modificación dunha actividade que se realizou a preceptiva declaración responsable
- g) Cambio de titular nas actividades nas que xa se realizou a preceptiva declaración responsable, tendo tal consideración a posta en coñecemento da administración de dito cambio por persoa distinta que para seguir exercéndoa nun establecemento sempre que



tanto a propia actividade, o establecemento onde se desenvolva e as súas instalacións non sufriran modificacións respecto á desenvolvida polo anterior responsable e conforme a súa declaración, salvo as que expresamente se impoñan por precepto legal.

3.- Aos efectos desta taxa entenderase por establecemento toda edificación, instalación ou recinto cuberto ou ao aire libre, estea ou non aberto ao público, ou como complemento ou accesorio doutro establecemento ou actividade principal, destinado, habitual ou temporalmente, ao exercicio de actividades económicas por conta propia.

4.- Non están suxeitos á presente taxa os seguintes supostos de traslado de local, sempre que se manteña no novo establecemento a actividade anterior ao traslado:

- Como consecuencia de derrubamento
- Declaración de estado ruinoso
- Expropiación forzosa realizada polo Concello.

5.-Os cambios de denominación social que non supoñan ningunha outra alteración na personalidade xurídica da sociedade titular da licenza nin na actividade desenvolvida non implicarán ningún pago en concepto desta taxa.

### **III. OBRIGADO TRIBUTARIO**

#### **Artigo 3.-**

Son obrigados tributarios desta Taxa, as persoas físicas e xurídicas, así como as herdanzas xacentes, comunidades de bens e demais entidades que, carentes de personalidade xurídica, constitúan unha unidade económica ou un patrimonio separado, susceptible de imposición; que sexan titulares da actividade que pretendan levar a cabo ou que de feito desenvolvan, en calquera local ou establecemento mercantil, industrial ou de servizos en xeral, que inicien expediente de solicitude de licenza ou similar para a mesma ou se é o caso, porque presente declaración responsable.

### **IV. RESPONSABLES**

#### **Artigo 4.-**

Ós efectos de recoñecer ós responsables solidarios e subsidiarios da obriga tributaria, estarase ó disposto no establecido na Sección 3ª do Capítulo II do Título II da Lei 58/2003, de 17 de decembro, Xeral Tributaria.

### **V. DEVENGO**

#### **Artigo 5.-**

1.- A obriga de contribuír nacerá, para as actividades sometidas á Lei 1/95, de 2 de xaneiro, de Protección Ambiental de Galicia e o Decreto 133/2008, de 12 de xuño, no momento de outorgarse a licenza solicitada; desde que o local ou establecemento onde vaia desenvolverse a actividade se utilice ou estea en funcionamento sen terse obtido a preceptiva licenza, e desde que se produza algunha das circunstancias das establecidas no número 2 do artigo 2 desta Ordenanza.

2.- Para as actividades non suxeitas á anterior Lei, devéngase a taxa e nace a correspondente obriga de contribuír, cando se inicie a actividade municipal que constitúe o feito imponible. A estes efectos entenderase iniciada dita actividade no momento da emisión da acta que determine a verificación do cumprimento dos requisitos establecidos na lexislación sectorial.



3.- A obriga de contribuír, unha vez nacida, non se verá afectada en ningún xeito pola clausura da actividade, suspensión temporal da mesma, desistimento ou renuncia.

## **VI. BASE IMPOÑIBLE E TIPO DE GRAVAME**

### **Artigo 6.-**

1.- A base imponible do tributo estará constituída polo tipo de local ou establecemento para o que se solicite a licenza de apertura ou a actividade administrativa de control e comprobación, ou no que se realice a actividade obxecto desta Ordenanza.

2.- O tipo de gravame a aplicar será o seguinte:

- a) Establecementos ou locais suxeitos á Lei 1/95, de 2 de xaneiro e ó Decreto 133/2008, de 12 de xuño, tributarán por un tarifa de 300,00 euros.
- b) Establecementos ou locais sen incidencia ambiental, tributarán por unha tarifa mínima de 150,00 euros, nos casos de tramitación de licenza municipal sen incidencia ambiental, declaración responsable ou comunicación previa.
- c) Non obstante o disposto nos apartados anteriores, no caso das actividades seguintes a tarifa a aplicar será en todo caso de 500,00 euros polas súas circunstancias especiais e complexidade:
  - a. Almacenamento de obxectos e materiais, con superficie superior a 500 m<sup>2</sup> e todos os almacéns de produtos químicos, farmacéuticos, combustibles, lubricantes, fertilizantes, praguicidas, herbicidas, pinturas, vernices, ceras, pneumáticos, con independencia da súa superficie.
  - b. Servizos bancarios.
  - c. Actividades que supoñan o exercicio de autoridade pública, en particular notarios, rexistradores da propiedade e mercantís.
  - d. Espectáculos públicos (que inclúe cines, teatros, auditorios, salas de actuacións, recintos feirais, etc.)
  - e. Actividades recreativas de ocio e entretemento (que inclúen as de salas de festas, discotecas, salas de baile, pubs, karaoke. Cibercafés ou salóns ciber e locais de exhibicións especiais, etc.)
  - f. Actividades recreativas de restauración (que inclúe restaurantes, bares ou cafés, tabladros, cafeterías, cafés-teatro, e locais de horario especial, etc.)
  - g. Aquelas actividades que requiran de emisión informe/autorización de outra administración distinta da Administración Local, dentro do propio procedemento de licenza de actividade como pro exemplo: Empresas funerarias (sanidade), Establecementos e servizos biocidas (sanidade), Infraestruturas de augas de consumo humano: depósitos, estacións de tratamento de auga potable (sanidade)
- d) Os cambios de titularidade tributarán ó 50% da primitiva tarifa aboada.

## **VII. EXENCIÓNS, REDUCIÓNS E DEMAIS BENEFICIOS LEGALMENTE APLICABLES**

### **Artigo 7.-**

De conformidade co disposto no artigo 9 do RDL 2/2004, de 5 de marzo, non se recoñece ningún beneficio tributario, coa salvedade dos que sexan consecuencia do establecido nos Tratados ou Acordos Internacionais ou veñan previstos en normas con rango de Lei.

## **VIII. NORMAS DE XESTIÓN**

### **Artigo 8.-**



1. De acordo co establecido no artigo 27 do Real Decreto Lexislativo 2/2004, de 5 de marzo polo que se aproba o Texto Refundido da Lei Reguladora das Facendas Locais as taxas recollidas na presente ordenanza esixiranse en réxime de autoliquidación.
2. En consecuencia para aquelas actividades suxeitas a incidencia ambiental, os obrigados tributarios presentarán no Concello a solicitude de apertura á que acompañarán os documentos normalizados correspondentes á autoliquidación da taxa. Deberán depositarse ademais, con carácter previo, os gastos de publicación a que se refire o artigo 8.3 do Decreto 133/2008, de 12 de xuño.
3. Para as actividades que carecen de incidencia ambiental, coa comunicación ou declaración axuntarse o xustificante de ter realizado a oportuna autoliquidación do importe da taxa.
4. As autoliquidacións presentadas polo contribuínte, aos efectos desta Ordenanza, están sometidas a comprobación administrativa. Finalizada a actividade municipal de comprobación e unha vez ditada a Resolución que proceda no seu caso sobre a licenza de apertura, practicarase se é o caso, a liquidación definitiva correspondente, que será notificada ao suxeito pasivo

## **IX. INFRACCIÓNS E SANCIÓN S TRIBUTARIAS**

### **Artigo 9.-**

Constitúen casos especiais de infracción grave:

- a) A apertura de locais sen a obtención da correspondente licenza.
- b) A falsidade dos datos necesarios para a determinación da base imponible.

### **Artigo 10.-**

No relativo á cualificación de infraccións tributarias e sancións, ademais do previsto nesta Ordenanza, estarase ó disposto na Lei Xeral Tributaria e demais normativa aplicable.

## **DISPOSICIÓN FINAL ÚNICA**

A presente Ordenanza entrará en vigor e comezará a aplicarse no momento da súa publicación no BOP.

## **DISPOSICIÓN DERROGATORIA ÚNICA**

Queda derrogada a actual Ordenanza Fiscal reguladora da Taxa por licenza de apertura de establecementos.

Foz a, 06 de xuño de 2012

O Alcalde.-Asdo.-Javier Jorge Castiñeira.